



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

3 Quæ sint partes potentiales prudentiæ.

[urn:nbn:de:hbz:466:1-72459](#)

est prudens in functionibus Temperantiae, vel Fortitudinis: quamvis ut absolute dicatur prudens, debeat in omni materia virtutis passum occurrente prudens esse. Idem dicendum de Prudentia Ciuii, Oeconomico, Legislatrice, & Militari. Varia enim sunt genera militiae, & gubernationis ciuilis & domesticae, ratione variarum circumstantiarum, tum loci, tum personarum, tum finium adiunctorum, (ut commodorum vel incommodorum) qua diversissimam rationem agendi postulant, ut bonum exitum habeant.

⁷ Notandum tertio, Prudentia personalem quodammodo complecti omnes alias prudentiae species, quia potest se extenderet ad omnes illarum functiones, dictando de iisdem actionibus de quibus ipsae, sed sub alia ratione. Quidquid enim ordinatur vel iuber patresfamilias per prudentiam oeconomicam, spectans bonum familiae, potest ordinare & iubere per prudentiam personalem, spectando bonum honestum sua actionis; nempe ut officio suo satisfaciat. Quatenus enim in agendo spectat ut familia recte sit disposita, dirigit suam actionem prudentia & economica, ut verò intendit satisfacere suo officio, vel agere id quod decet suam personam, dirigit eam prudentia personali. Idem dicendum de Ciuii, Militari, & Legislatrice.

Itaque prudentia personalis omnino completa, qua quis in omni statu, seu officio potest se gerere ut decet, includit illas prudentias tamquam partes, superaddens illis respectum ad proprium bonum, quod est honeste agere. Neq; enim Rex potest habere prudentiam uariorum necessaria, & facere omnem id quod se decet, nisi norit leges utiles ferre; & ita requirit prudentia Legislatricem. Neq; Magistratus officio suo satisfacit, qui non nouit Remp. administrare, iudicia exercere, bono ciuium consilere; & ita requirit Ciulem. Et hoc est quod vult Aristoteles c. 8. in principio, cum ait; *Prudentiam & Ciulem (πολιτικὴ) esse eundem habitū, sed non habere eamdem rationē seu idem esse.* Prudētia enim completa includit Ciulem & reliquas tamquam sui partes: refertamen illarum materiam ad suum finem: & ita distinguitur ratione formalis. vide Gynaldum in lib. 6. Ethic. q. 14. Si tamen Prudentia personalis accipiat ut dirigit hominem constitutum extra publicum officium, sic non includit illas, sed est species omnino distincta à ceteris.

DVBITATIO II.

Quenā sint partes integrantes Prudentiae.

D.Thomas q.49.

⁸ Notandum est, Partes integrantes Prudentiae posse dupliciter ponи; Primo, ut partes integrantes dicantur illae, ex quibus veluti membris Prudentia tota propriè constat. Non enim Prudentia est simplex aliquis habitus, sicut neque scientia speculatoria, sed constat multis partibus instar totius heterogenei, respicientibus diversam rationem honesti, qua est in diversis virtutibus. Aliis enim regulis & notionibus diriguntur functiones iustitiae, aliis temperantiae, aliis fortitudinis & patientiae: qua tamen omnes necessaria sunt ad integrum & absolutam Prudentiam. Dicitur autem Prudentia una virtus, sicut Theologia & Physica dicuntur una scientia: nempe quia respicit unum obiectum generale, quod est vivere secundum virtutem, idque sub uno codemque modo tendendi, qui est considerare singulas actiones cum omnibus circumstantiis, de quo plura 1.2.q.57. Verum D.Th. non loquitur hoc modo de partibus Prudentiae; quia non videtur tales ponere. Secundo, ut partes integrantes Prudentiae dicantur quædam functiones, sine quibus non habetur perfectus virus prudentiae. Hoc modo ponit octo partes prudentiae, memoriam, intelligentiam, docilitatem, sa-¹² Octo partes lertiam, prouidentiam, rationem, circumspetionem, integrantes cautionem, è quibus solertia & docilitas maxime iuvant ad acquirendam prudentiam. memoria, intelligentia, prouidentia, ratio, potissimum iuvant ad vsum prudentiae in consultando & iudicando, cautio & circumspetio ad executionem operis, quae dicitur fieri in perio Prudentiae.

Memoriam vocat recordationem eorum quæ legimus, audiuimus, vidiimus, aut alteri experti sumus. Ex his enim sapienter facilè colligimus quid in praesenti negotio expediat; plurimum enim valent tum exempla aliorum, tum experientia ipsa ad Prudentiam.

Intelligentiam vocat notitiam presentium: ut enim prudenter iudices, necesse est presentem starum rei tibi esse probè perspectum. Potest etiam hoc nomine significari notitia principiorum moralium.

Prouidentia dicitur confederatio futurorum eventuum, qui possent se qui ex opere.

Ratio dicitur promptitudo quædam ratiocinandi, & aliud ex alio colligendi.

Docilitas accipitur pro affectu & promptitudine ad descendum.

Solertia (quam Arist. vocat *ἀλησία*, & melius Latinè diceretur sagacitas) est species bona coniectionis, (qua iphi dicitur *ἐγενόμενα*) est enim solertia, seu sagacitas, medijs (id est rationis aliquius cur res sit probanda vel improbanda) inuenito tempore breuissimo, ut idem Aristoteles docet lib. 2. prior. Analyt.

Circumspetio est confederatio circumstantiarum, ne qua deficit in opere.

Cautio est cura ut vitentur incommoda, quibus res est exposita, v.g. ne proximus offendatur, ne incidas in aduersam valetudinem. poterat hæc sub circumspetione comprehendendi.

Notandum est, non omnes hos actus à diversis habitibus proficiunt: Cautio enim, Circumspetio, Prouidentia, & Intelligentia sunt actus Prudentiae, quia intrinsecè includuntur in prudenti iudicio, & executione. Memoria, Ratio, Solertia, & Docilitas tantum requiruntur ad acquirendam Prudentiam, vel ad acquisitionem perfectiorem vsum,

DVBITATIO III.

Quæ sint partes potentiales Prudentiae.

D.Thomas q.51.

¹² Respondeo, Valde ingeniosè à D.Th. ponit res partes potentiales Prudētiae, *Eubuliam*, *Synecdochen*, & *Gnomen*. Per *Eubuliam* intelligit habitum ^{Tras partes} ^{potentiales} ^{Prudētiae} quemad, qui præbet facultatem recte consultandi: id est, inveniendi bonum consilium in rebus ambiguis & perplexis. Per *Synecdochen* habitum recte iudicandi de consultatis, idque ex consideratione communium principiorum practicorum, scilicet legum naturalium & posituarum, & finium illarum, quos fines Legislator spectauit. Per *Gnomen*, habi-

habitum recte iudicandi ex principiis quibusdam altioribus contra tenorem verborum legis, iuxta tamen mentem Legislatoris. vide Caiet. qu. 120. a. 1. & 2. Vocat autem has partes potentiales Prudentiae; quia Prudentia his vitetur ad suum finem, veluti membris quibusdam suis; vel ut anima vitiatur suis potentis ad suum finem. Sicut enim in singulis animae potentis elucet vis & conditio animae, et si non plenè: ita in istis facultatibus, eorumque functionibus elucet natura & conditio Prudentiae, et si non adæquata.

¹³ Vtrum sint habitus distincti ab habitu Prudentiae, dubitari potest. Probabilis est non esse ab illa distinctos realiter, sed esse ipsam Prudentiam inadæquata consideratam; nempe ut se ad hanc vel illam functionem extendit; ut probat Gyraldus lib. 6. q. 15. Probatur, quia Prudentiae proprium est inquirere media ad finem idoneam; atqui hoc fit bona consultatione; ergo bona consultatione est actus proprius Prudentiae. Vnde recte Aristoteles ait resp. 7. lib. 6. *Prudentia maxime opus esse dicimus, recte consultare.* Neque satisfacit, si dicatur, Prudentiae proprium est benè consultare, quod impetrat illam; nam consultatio de mediis non imperatur propriè à Prudentia, sed à cognitione & amore finis. In qua cognitione finis non tam cernitur Prudentia quam synteresis. Cernitur autem primò in consultatione, si benè fiat: ergo bona consultatione est prima functio in qua Prudentia elucet. Quod etiam recte iudicare sive ex ipsis legibus, & earum finibus, quod facit *synesis*, sive ex altiori consideratione, quod facit *gnome*, sit actus Prudentiae elicitus, pater; quia per hunc actum Prudentia imperat voluntati, tamque & potentias inferiores in executione dirigit; ut supra ostensum est.

¹⁴ Dices, Aristotelem per synesim non videri significare partem aliquam Prudentiae, seu iudicium Prudentiae præcedens executionem; sed perspicaciam quamdam ingenij in alio, qui de iudicio & facto prudenter acute iudicat, ut exponit Eustathius in cap. 10. lib. 6. dicitur enim *oueròs καὶ ιωνίους*, teste Aristotele ibidem, qui altero aliquid dicere vel faciente statim potest percipere, recte an secus dictum factumve sit; sicut discipulus dicitur *ξυνέ-νεα & ιωνίους*, qui statim percipit quod magister docet. Vnde apud Græcos *ξυνένεα* sèpè usurpat pro *μαρτάνειν*, quod est percipere quod alias dicit. Respōdeo, verum esse, Aristotelem quidem hoc pacto synesim ibi accipere: non tamen negat quin similis facultas in prudente requiratur circa inventa per consultationem. Vnde recte D. Th. posuit partem Prudentiae. Imò ipsemet Aristoteles lib. 1. Magnor. moral. c. 35. expressè docet Synesim esse Prudentiae partem: quamvis interdum esse possit in eo qui non est prudens. Per *γνώμην* idem intelligit Aristoteles, quod D. Thomas, nam lib. 6. Quid Gno- me Arist.

Ethic. cap. 11. dicit Gnomem esse Rectum iudicium æqui & boni. *Æquum & bonum* (quod Græcis dicitur *πολιτεία*) est, quod cum sit contra verba legis, (et si non contra mentem Legislatoris) iudicio prudentis definitur; vel ut Aristot. lib. 5. c. 10. definit, est *correctio legis, quatenus deficit obvniuersalem locutionem.* Eodē pertinet sententia D. Thomas, cum ait Gnomem iudicare ex principiis extraordinariis contra verba legis. idem enim valent, corriger legem vbi deficit ob vniuersalem locutionem, (quod propriè ad gnomem pertinet) & iudicare ex altiori principio contra verba legis.

Ratio autem cur interdum opus sit hac correctione legis, & consideratione altioris principij, quām sit finis proximus legis, est, quia leges vniuersaliter latè sunt, ut legislator finem proximum, quem per illam intendit, ut plurimū aequaliter: quo sit ut multi casus occurant, in quibus non expedit eas seruari, quia aliquid fieret contra aliam Legislatoris intentionem, & contra bonum publicum vel priuatum. Vniuersales enim Regulae in rebus practicis patiuntur multas exceptiones, haec exceptiones quia verbis legum comprehendendi non poterant, reliæ sunt iudicio prudentium, & vocantur *πολιτείας*; id est, æquum & bonum. Iudicium vero quo de illis iudicatur, vocatur *Gnomē*, quod Latinè benignam sententiam possimus nominare: hoc autem peti debet ex altiori consideratione, ob quam verba legis non sunt seruanda. In legibus penalibus dicitur *σύνθετον*, id est, *Σύνθετον*, *æquum & bonum*. Exempli gratia, lex vniuersè præcipit, *Qui occidit, occidatur.* Tu tamen in ius ab alio occidisti: *Vir æquus, per γνώμην indicat verba legis hīc non esse seruanda, teque non esse morte puniendum: quod iudicium pender ex alia consideratione, quām præceptum legis illius.* Virtus vero quæ in voluntate respondet huic iudicio, dicitur *πολιτεία.* Vnde sicut *πολιτεία* se habet *επιμένεια*, ad iustitiam, ita *γνώμη* se habet ad prudentiam. Est igitur pars potentialis Prudentiae sive Prudentia ipsa, ut veretur circa æquum & bonum: sicut *πολιτεία* est pars iustitiae, & iustitia quadam, ut recte Aristoteles cap. illo 10. docet; quod quomodo verum sit, dicitur infra cap. 47. Dub. 9.

DUBITATIO IV.

Quot & quibus modis peccetur
contra Prudentiam.

D. Thomas' quest. 53. 54. 55.

Dico Primò generatim loquendo, omne peccatum est contra prudentiam. patet, quia omne peccatum est contra iudicium prudentiae, sicut omne opus bonum est secundum iudicium Prudentiae.

Adiuerte tamen, non esse necessarium, ut sicut omne opus bonum sequitur ex iudicio prudenti, ita omne opus malum sequatur ex iudicio imprudenti; potest enim sequi ex iudicio indifferenti, quo aliquid iudicatur non quidem esse honestum, vel turpe, sed esse delectabile, vel molestum. Hoc enim iudicium sufficit ut voluntas possit illud opus velle, aut nolle, ut ostensum est 1. 2. quest. 9. a. 1. dub. 4. & 5.

Dices, Omnis peccans est imprudens, imò & ignorans, teste Aristotele: ergo omne peccatum sequitur ex errore, vel ignorantia.

Repf. Negandam consequentiam. Dicitur imprudens, non quid semper imprudenter iudicet, ¹⁷ Omnis pec- cans igno- rans.
sed quia imprudenter (id est, contra prudentiae dictamen) operatur. Dicitur ignorans, non quid necesse sit ut ignoraret rem esse turpem, vel noxiā saluti; sed quia vel ignorat, vel non fatis considerat illam turpititudinem, quam si consideraret, ut par est, non faceret. Et quamvis fieri possit ut aliquis plenissimè rei turpititudinem considerans, eam nihilominus faciat, propter voluntatis libertatem, qua sicut bonum honestum etiam clare propositum non necessariò amplectitur, sed potest